


SINDIKAT SREDNJEG I VISOKOG OBRAZOVANJA,
ODGOJA, NAUKE I KULTURE
BOSNE I HERCEGOVINE

Obala Kulina bana 1, 71000 Sarajevo
Tel/fax: ++387 33 21 35 88;
e-mail: ssvoonkbih@bih.net.ba
www.sobih.ba



SAMOSTALNI SINDIKAT OSNOVNOG
OBRAZOVANJA I ODGOJA
FEDERACIJE BOSNE I HERCEGOVINE

Obala Kulina bana 1, 71000 Sarajevo
Tel/fax: ++387 33 20 52 79;
e-mail: schools@bih.net.ba
www.sobih.ba

Broj: 05-2-551-9/15

Sarajevo, 14. decembar/prosinac 2015. godine

Broj: 01-1324/15

U skladu sa odlukama Predsjedništva Upravnog/Glavnog odbora Samostalnog sindikata osnovnog obrazovanja i odgoja FBiH i Sindikata srednjeg i visokog obrazovanja, odgoja, nauke i kulture BiH, Selvedin Šatorović, predsjednik SSOOiO FBiH i Đevad Hadžić, predsjednik SSVOONK BiH, **donose**

UPUTSTVO ZA REALIZACIJU GENERALNOG ŠTRAJKA UPOZORENJA U SVIM USTANOVAMA ODGOJA I OBRAZOVANJA U FEDERACIJI BOSNE I HERCEGOVINE

Član 1.

Odluka o organizovanju Generalnog štrajka upozorenja u svim ustanovama odgoja i obrazovanja u Federaciji Bosne i Hercegovine donosi se zbog:

- Neotpočinjanja pregovora o usklađivanju Kolektivnog ugovora za djelatnost osnovnog obrazovanja u Federaciji Bosne i Hercegovine („Službene novine FBiH“, broj: 53/00 od 24.12.2000.g.) i Kolektivnog ugovora za djelatnost srednjeg obrazovanja u Federaciji Bosne i Hercegovine („Službene novine FBiH“, broj: 51/00 od 07.12.2000.g.) sa novim Zakonom o radu („Službene novine FBiH“, broj: 62/15 od 12.08.2015.g.) na nivou Federacije Bosne i Hercegovine i na nivou kantona/županija;
- Podrške zahtjevu Saveza samostalnih sindikata BiH prema Vladi Federacije Bosne i Hercegovine za **primjenu** člana 182. stav 3 Zakona o radu, koji se odnosi na to da ukoliko kolektivni ugovori ne budu usklađeni sa Zakonom o radu u roku od 120 dana od dana njegovog stupanja na snagu, Vlada Federacije, nakon konsultacija sa Ekonomsko-socijalnim vijećem Federacije, svojom odlukom može produžiti primjenu kolektivnog ugovora za još 90 dana;
- Odluke Vlade Unsko-sanskog kantona o umanjenju visine osnovice za obračun plaća zaposlenih u ustanovama predškolskog, osnovnog i srednjeg obrazovanja Unsko-sanskog kantona za X-XII mjesec 2015. g. i 2016. godinu.

Član 2.

Zadužuju se predsjednici sindikalnih podružnica/organizacija Samostalnog sindikata osnovnog obrazovanja i odgoja FBiH i Sindikata srednjeg i visokog obrazovanja, odgoja, nauke i kulture BiH da:

- Odluku o štrajku putem protokola škole dostave direktorima škola;
- u periodu održavanja štrajka na vidnom mjestu istaknu Odluku o Generalnom štrajku upozorenja i natpis **GENERALNI ŠTRAJK UPOZORENJA**;
- u **petak, 18. decembra/prosinca 2015. godine** u periodu od **11:30 do 12:00 sati** organizuju sastanke sindikalnih podružnica/organizacija, te da na istim upoznaju članstvo sa navedenom Odlukom;
- da u pisanoj formi sačine izvještaje o održanom Generalnom štrajku upozorenja u sindikalnim podružnicama/organizacijama, uz preporuke za dalje oblike sindikalne borbe i sindikalnog djelovanja, te da iste dostave kantonalnim/županijskim odborima.

Član 3.

Zadužuju se predsjednici kantonalnih/županijskih odbora SSOOiO FBiH i SSVOONK BiH da pisane izvještaje iz sindikalnih podružnica/organizacija sublimiraju i analiziraju, te da sačine pisani izvještaj i isti dostave upravnim odborima SSOOiO FBiH i SSVOONK BiH.

Član 4.

Samostalni sindikat osnovnog obrazovanja i odgoja FBiH i Sindikat srednjeg i visokog obrazovanja, odgoja, nauke i kulture BiH će u **petak, 18. decembra/prosinca 2015. godine održati zajedničku press konferenciju** na kojoj će širu javnost upoznati sa razlozima održavanja Generalnog štrajka upozorenja i daljim aktivnostima sindikata obrazovanja.

Po dobijanju pisanih izvještaja kantonalnih/županijskih odbora, predsjednici Upravnog/Glavnog odbora SSOOiO FBiH i SSVOONK BiH će iste objediniti u jedan dokumenat, koji će biti razmatran na prvoj narednoj sjednici Upravnog odbora SSOOiO FBiH i Glavnog odbora SSVOONK BiH.

Poseban akcenat će biti na preporukama članstva za dalje sindikalne aktivnosti.

**PREDSJEDNIK
SSVOONK BIH**

Devad Hadžić



**PREDSJEDNIK
SSOOiO FBiH**

Selvedin Šatorović

